



Ukiumoortumik nalunaarut

2025



Siulequt


Justitsministerimut Naalakkersuisunullu

PiSiup suleriesissaa pillugu nalunaarut nr. 1178 9. december 2008-meersumi § 7 naapertorlugu Pinerlutsaaliuinermit Siunnersuisoqatigiit (kingorna PiSiu) ukiut tamaasa Danmarkimi justitsministerimut aammalu Naalakkersuisunut naatsumik nalunaarusiortassaaq ukiumi qaangiuttumi siunneruisoqati-giit sulisimanerat pillugu.

Ukiumoortumik nalunaarusiami suliaq, PiSiup 2025-mi suliarisimasai, aammalu PiSiup 2025-2028-mut pilersaarusiaani ilaasut, nassuiaatigineqassapput.

2024-mut nalunaarusiaq matumuuna tunniunneqarpoq.

PiSiu sinnerlugu



Julie Hjorth Lynge
PiSiumi Siulittaasoq

PiSiup siunertaa

PiSiup 2009-mi pilersinneqarnermi kingornatigut Nunatsinni pinerlutsaaliuisitsinermik suliaqarsimavoq toqqissisimatitsinermi suliniutitigut, paasititsiniaanikkut aammalu misilittakkanik paarlaasseqa-tigiinnikkut. Pinaveersaartitsinermi sulineq sammivilerniarlugu PiSiup 2025-2028-mut takorluukkat anguniakkallu uku aalajangersarnikuuai

Takorluugaq

Qaammarsaanikkut,
ilisimalikkanik
siammarterinikkut
aammalu
siunnersuinikkut
pinerlutsaaliuisitsineq

Anguniagaq

Ilisimalikkat
aallaavigalugit
pinerlutsaaliuisit-
sinermut
tapertaaneq




PiSiu 2025

2025-mi PiSiu nutaamik periusissiamik 2025-2028-mut atuuttumik aallartitsivoq. Siunnersuisoqati-giit periusissiami kissaatigisat naatsorsuutillu aallaavigalugit periusissiap nutaap atulersinnissaanut ukioq atorpeqarpoq.

Periusissiap 2025-2028-mut atuuttup qarasaasiatigut pissusilersuutit, inuusuttut pinerluttarnerat kii-salu paasissutissiineq aammalu suleqatigisat nalerarai. Periusissiaq aqqutigalugu PiSiup kissaatigaa suleqatigiinnikkut aammalu ulluinnarni pinerlutsaaliuisitsinermik suliaqartunik siunnersuinikkut pinerluttarnermik pinaveersaartitsisoqarnissaa. Aammattaaq 2025-mi PiSiu suleqatigisassanik nutaanik ujartuinikuuvoq.

Suliniutaareersut nutaallu pitsanngorsarniarlugit ilisimasat suliatigullu tapersiinerit atorlugit PiSiu sulivoq. Periusissiaq nutaaq aqqutigalugu PiSiup kissaatigaa siunnersuisoqatigiit qitiusumik suliaminnut uternissaat, tassaasorlu paasissutissiinikkut aammalu ilisimalikkat aallaavigalugit pinerlut-saaliuisitsineq pillugu siunnersuineq. 2025-mi ilaatigut pinerlutsaaliuisitsineq pillugu saqqummiinernut assigiinngitsunut peqataanikkut, Nunatsinni pinerluttarnermi unammillernartut atuuttut eqqartugaareersut pillugit ilisimalikkat aallaavigalugit isiginninnernik tunniussinikkut kiisalu tusarniaanernut atatillugu akissutitik nassiussinikkut siunnersuisoqatigiit taamaaliorput.



Periusissiami nalerarisani tamani PiSiu 2025-mi sammisassanik suliniutinillu arlalippassuarnik aallartitsinikuuvoq, taakkulu siunnersuisoqatigiinni sulinerup ingerlannissaanut aqutsisuusimapput.

Paasissutissiineq suleqatigiinnerillu



PiSiup 2023-mi Kalaallit Nunaanni Brugseni PiSiup nersornaasiuttagaa pillugu suleqatigiinnissamik isumaqatigiissuteqarfigaa. Suleqatigiinnerup siunertaraa kajumissutsiminnik sulisorpassuit, suliar-passuit suliniuterpasullu ullut tamarluinnaasa Nunatsinni pinerluttarnerup pinaveersaartinnissaanut pingaaruteqartorujussuit. Suleqatigiinneq 2023-2027-mut atuuppoq, tassani Kalaallit Nunaanni Brugsenip PiSiullu ukiut tamaasa PiSiup nersornaasiuttagaanik pissarsisussamik toqqaasarlutik.

PiSiup nersornaasiuttagaanik 2025-mi pissarsisoq tassaavoq Sømandshjemmi ukiorpassuarni Nunatsinni atugarliortunik piumassutsimikkut suliniuteqartuarnertat pillugu. Sømandshjemmi kalaallit nunaanni parnaarussivinni inissinneqarsimasut sammisaqaqatigisarnerisigut pinerlutsaaliuisitseqataapput nipilersorneq, erinarsorneq, skakkerneq oqaloqatigiinnerillu qitiutillugit. Tamakku saniatigut atugarliortut najugaannilu peqatigiiffiit akornanni ataqatigiissitsilersarput, angerlarsimaffeqanngitsunut nerisassanik sassaalluteqartarlutik aammalu sumiiffisaqartitsisarlutik kikkut tamarmik tikilluaqqusaasut. Ukiumi nersornaasiineq Nuummi parnaarussivimmi ingerlanneqarpoq, tassani Sømandshjemmemi sulisut piumassutsiminnillu ikiuuttut pingaarutilimmik suliaqartuarnertik pillugu nersorniarneqarlutik.



Inuusuttut pinerluttarnerat aammalu qarasaasiatigut pissusilersuutit



2025-mi oktoberimi PiSiu Nordic Meetingimut – Crime Prevention – nuannaarutigalugu peqataavoq nunanit avannarlernit peqataaffigineqartoq, tassani pinerluttarnerup pinaveersaartinnissaanut ilisimalikkat nutaanerpaanik, suliniutinik aammalu periusissianik paarlaasseqatigiittoqarluni. 2025-mi naapinneq Finlandimi Helsinkimi ingerlanneqarpoq, annertullu sammisat tassaapput internet aqqutigalugu peqquserluttarnerit kiisalu inuusuttut aammalu pinerlunniaqatigiit pinerluttarnerat. Ukiumi sammisat PiSiumut attuumassuteqartorujussuupput, taakku marluullutik PiSiup periusissiami nalerarisaanut "qarasaasiatigut pissusilersuutit" aammalu "inuusuttut pinerluttarnerat" attuumasseqarmata.

Nunani avannarlerni pinaveersaartitsinermi assingusumik suliaqartut peqatigalugit ilisimalikkanik paarlaasseqatigiinneq PiSiup naleqartippai, naapinneq nunani avannarlerni pinerluttarnerup siuari-artorneranut pinerloriaatsinullu siammasinnerusumik paasinnilersitsissammat. Naak nunat aallartita-qartut piorsarsimassutsikkut, oqaatsitigut il.il. assigiinngissiteraluartut, nunat killeqarfii qaangeraanni assigiissunik nalaataqartoqartarpoq naapeqatigiinnissamut aammalu ilisimalikkanik avitseqatigiinnissamut tunngavissaalluartunik.

2024-misut PiSiu 2025-mi nuna tamakkerlugu qarasaasiatigut attaveqaqatigiinnermut oqartussaasut, NGO't il.il. aallartitaqarfigisaannut peqataaqqippoq. Nuna tamakkerlugu attaveqaqatigiinnermi PiSiu suliatigut ilisimalikkat pillugit attaveqaqatigiinnermi siunnersuisarpoq aammalu peqataasarnermigut periusaasartut aammalu Nunatsinni qarasaasiatigut unammillernartut pillugit tunngaviusumik ilisimasaqalersitsisarpoq kiisalu tamakku pinaveersaartinnissaannut qanoq suliniuteqalersoqarsinnaaner-soq siunnersuisarluni.

Nakuusernarmik pinaveersaartitsineq Tassa!, PiSiup aallarneeqaataaffigisaa, nunatsinni meeqqat atuarfiinut neqeroorutitut ingerlatiinnarneqarpoq. Suliniut, meeqqanik inuusuttunillu sapiissuseqalersitsinissamik piumassuseqarlualersitsinissamik siunertaqartoq, iliusaavoq inuusuttut nakuuserneq pillugu ilisimaligaat kiisalu iliuseqarnissamut periarfissat ukkatarineqarneri. 2025-mi Tassa! nuna tamakkerlugu meeqqat atuarfiini tallimani atorneqarsimavoq, atortussallu sulii atorneqarsinnaapput.



PiSiu 2026

2026-mi PiSiup avataatigut suleqatigisartakkami pitsanngorsarneqarnissaat ingerlateqqissavaa, taa-maalilluni pinaveersaartitsineq aammalu PiSiup sulinera pillugu siammasinnerusumik ilisimasaqa-lersitsinissaq anguneqassammat. PiSiumi ukkatarisaaq suli tassaassaaq qitiusumik suliassaq, taamaanikkut ilisimalikkat aallavigalugit pinaveersaartitsineq pillugu suliaqartunik siunnersuisineq anguneqassammat.

2026-p aallartinnerani PiSiu aammalu Kalaallit Nunaanni Brugsenip aammaarlutik PiSiup nersornaasiuttagaanik tunniussissapput. 2026-mi innuttaasut nuannarinerpaasaminnik taasinissaminnut periarfissaqassapput, taamaalillutillu pinerlutsaaliuisitsinermik suliniutip sorliup nersorniaatigineqarnissaanut sunniuteqaqataasinnaassallutik.

Tassa!mi ilinniartitsinissamut atortut qarasaasiatigut pissusilersuutaasartut pillugit ilinniartitsissutaasut 2026-mi Red Barnet Danmark suleqatigalugu siuarsarneqarnissaat ingerlanneqassaaq. PiSiu isumaqarpoq nunarsuatsinni allanngorartumi digitalinngoriartuinnartumilu qarasaasiatigut pinerluttarnerit pinaveersaartinnissaat siunertaralugu meeqqat inuusuttullu isumannaatsumik atuisinnaanissaannut suliassaq annertusoq piujuartussarlu.



PiSiumi Siunnersuisoqatigiit

PiSiumi siunnersuisoqatigiit tassaapput namminneerlutik ingerlasut, siunnersuisoqatigiit namminneerlutik toqqakkaminnik siulittaasullit. Siunnersuisoqatigiit Namminersorlutik Oqartussaniit, Kalaallit Nunaata Politiiviniit, Kalaallit Nunaanni Parnaarussivinniit, kommuneniit, kajumissutsiminnik suleqatigiiffinniit kiisalu sulisitsisut aammalu inuussutissarsiutillit kattuffianniit ilaasortaqarput. Siunnersuisoqatigiit namminneerlutik periusissiorlutillu pinerlutsaaliuisitsinermik suliaqarnermi siunnerfilertarput.

PiSiup Allattoqarfia

PiSiup allattoqarfia ingerlatsinermi Kalaallit Nunaata Politiivini inissisimavoq. Allattoqarfik Pinaveersaartitsinermut immikkoortoqarfiup ataaniippoq annermillu sulisup ataatsip allattoqarfimmi suliassat akisussaaffigai.



